

## I.

## DE MONACHO.

- Cenantes super ingrediens monachus sibi poscit  
 Hospicium, se fans illuc errore coactum.  
 Propositi tamen oblitus non iussus edebat  
 Obvia queque vorans callos et verris inescans.  
 5 Quod cernens quidam dixit conviva cubantum:  
 'O tu serve dei, quinam mox carnibus ultro  
 Vesceris et normam transcendis ineptius artam?'  
 Suspirans monachus miserum se dicere cepit,  
 Avia quod carpens cellam repedare nequisset,  
 10 Qua sibi lensque foret dulcis porrique recentes:  
 'Si mihi faba foret presens, non loetifer iste  
 Intraret cibus in buccam, per tempora suetam  
 Longa bonis: cogente fame tam pessima carpo'.

## II.

## DE ASINO AD EPISCOPVM DUCTO.

- Ordine presbiteri dum promoturus asellum,  
 Se sine missarum cultu transisse per annum,  
 Pontificis quidam pulsaret questibus aurem,  
 Presul ait: 'Sunt vita viri moresque probati?'  
 5 Qui summissus adusque pedes, asinum sibi dixit  
 Difficile inventum, petiitque sacrarier illum.  
 Antistes stupefactus ad hec: 'Demencia magna  
 Te gravat, ut stolidum pecuare quis ausit ad altum  
 Consecrare gradum: celeri discede recessu!'  
 10 Qui mestus gradiens asinum quatiendo regirat.  
 Rudere percussus coepit dispectus asellus,  
 Regula sub cuius cauda rutili micat auri.  
 Bl.86r. Munere quo cantuque animalis episcopus infit:  
 'Eufonus est asinus, nec debet ab ordine sacro  
 15 Suspendi, dominus cui tantam prestitit artem'.

---

8 hopus. 9 Hinc. 11 Et Saracenorum perpessa secures nē. nē. 12 tranquillam. 14 stamina fata die. 15 lucus u. patronum. 17 Partite. 18 excitat onos. Ueberall einfaches e. Die, wie es scheint, fehlerhafte Inschrift giebt wohl am genauesten Giuliani, Memorie di Milano I, 357 wieder, einen verbesserten Text Leibniz, Ann. Imp. Occ. I, 731. Sie findet sich auch in der lat. Anthologie ed. Burmann l. II, n. 152 u. ed. Meyer n. 826. Auch die Erwähnung der Ungern VI, I deutet auf Italien und das zehnte Jahrhundert.

In der Hds. steht I, 3 edebant. 4 callose uerris. 6 q̄ nam. 8 discere. 9 cedam, verbessert cellam. 12 tempore. II, 2 Desine; transsisse verb. transisse. 3 Pontifices verb. Pontificis. 8 petuare. 14 ne. 15 tanta.